

**AGENCIJA ZA VODNO PODRUČJE RIJEKE SAVE
S A R A J E V O**
Hamdije Ćemerlića 39a, Sarajevo
t: +387 33 726 400
f: +387 33 726 423



Trenutna situacija na poplavnim područjima Srednja i Odžačka Posavina

Saopštenje za medije – 22:00 sata

Sarajevo, 28.05.2014 godine

Prema podacima «Agencije za vodno područje rijeke Save, Sarajevo» vodostaji rijeke Save su u konstantnom opadanju.

U proteklih **6 sati** nivo rijeke Save bilježi trend smanjenja vodostaja i iznosi na mjernim mjestima:

Svilaj	opadanje vodostaja	13 cm
Šamac	opadanje vodostaja	12 cm
Grebnice	opadanje vodostaja	10 cm
Orašje	opadanje vodostaja	9 cm

Poplavno područje Srednja Posavina

- Crpna stanica Tolisa kontinuirano radi punim kapacitetom – sa svih 7 raspoloživih pumpnih agregata (ukupnog kapaciteta 15,5 m³/sec).
- Prepumpavanje zaobalnih voda iz područja koja ne gravitiraju stabilnim crpnim stanicama vrši se putem mobilnih pumpi obezbjeđene od strane Agencije kapaciteta 20 m³/min.
- Voda iz poplavljenih područja ističe kroz gravitacione ispuste Tišina, Tolisa, Vidovice, Dusine i dva gravitaciona ispusta na CS Đurići, kao i kroz oštećeni dio nasipa u Kopanicama te kroz formirani otvor u naselju Krepšić kojim se vode odводе u rijeku Tinju u cilju što brže evakuacije voda iz branjenog područja.

Odžačka Posavina

- Isticanje vode sa ovog poplavnog područja se i dalje vrši gravitaciono na lokalitetima proboja tj. oštećenja savskog odbrambenog nasipa u Prudu te otvorenog gravitacionog ispusta Starača.
- Crpna stanica Svilaj, kao i crpne stanice Zorice I i Zorice II su u pogonu sa ukupnim kapacitetom od cca 8,5 m³/sec.
- Prepumpavanje zaobalnih voda iz područja koja ne gravitiraju stabilnim crpnim stanicama vrši se putem mobilnih pumpi obezbjeđene od strane Agencije kapaciteta 35 m³/min.

U prepumpavanje zaobalnih voda u rijeku Savu uključilo se više međunarodnih organizacija koje su dopremile mobilne pumpe većeg kapaciteta instalirane na poplavnim područjima Srednja i Odžačka Posavina.

Uposlenici Sektora laboratorija za vode, Agencije za vodno područje rijeke Save Sarajevo, su na terenu gdje se na području Posavine uzimaju uzorci vode na lokalitetima Svilaj, Prud i Kopanice. U narednom periodu nastaviće se uzimanje uzoraka na vodotocima Bosne, Drine, Vrbasa i Une.

Provodi se stalni nadzor nad stanjem na probojima - oštećenim dijelovima nasipa i u toku je iznalaženje tehničkih rješenja sanacije.

ODJELJENJE ZA INFORMACIONI SISTEM VODA
DEŽURNI CENTAR

Dežurni kontakt telefon za informacije tokom 24 sata je 033 726 436 (Centar) i mobitel 061 130 063.